



**PEJABAT KETUA MENTERI SARAWAK
OFFICE OF THE CHIEF MINISTER OF SARAWAK**

**KENYATAAN MEDIA OLEH YAB KETUA MENTERI SARAWAK
(UNTUK SIARAN SEGERA)**

1. Pertamanya, dalam pada kita sedang menghadapi gejala wabak Covid-19 dan berada dalam Perintah Kawalan Pergerakan (PKP), saya dengan kesempatan ini bagi pihak Kerajaan Sarawak ingin mengucapkan selamat menjalani ibadah Puasa di bulan Ramadhan kepada seluruh kaum Muslimin di negeri ini.
2. Saya ingin mengucapkan selamat menyambut Gawai Dayak kepada kaum Dayak memandangkan perayaan Gawai akan tiba tidak lama lagi.
3. Keadaan semasa tidak membenarkan kita melakukan ibadah puasa atau menyambut perayaan Gawai seperti keadaan biasa dan saya amat berharap kita semua tabah menghadapi segala kekangan semasa berkuatkuasanya PKP.
4. Saya amat berharap setiap lapisan masyarakat terus patuh kepada PKP memandangkan jumlah korban yang agak tinggi bagi Sarawak sementara usaha sedaya upaya sedang dilaksanakan oleh pelbagai pihak untuk memutuskan rangkaian jangkitan COVID-19.
5. Antara langkah-langkah yang harus terus dipatuhi ialah memastikan tiada perhimpunan diadakan selagi keadaan tidak mengizinkan dan mengamalkan disiplin diri dari segi kesihatan agar jangkitan dapat dikekang.
6. Bagi mereka yang ada mempunyai "contact" dengan mereka yang telah disaring positif berhubunglah dengan pihak kesihatan terdekat untuk menjalani saringan.

Selamat menjalani ibadah Puasa.

Tamat.

Tarikh: 23 April, 2020.

